

## Sakspapir

| Saksnr | Utvalg        | Type | Dato       |
|--------|---------------|------|------------|
| 099/21 | Kommunestyret | PS   | 16.12.2021 |

| Saksbehandler       | Arkiv                   | ArkivsakID |
|---------------------|-------------------------|------------|
| Asbjørn Nagell Toft | FE-223, HistSak-20/4367 | 21/425     |

### Tilskotsordning til lokale verksemder i særleg utsatte bransjer- Løyving frå Austrheim kommune

#### Vedlegg

Kilstraumen Brygge as - tilskotssøknad

Straumcamp as - tilskotssøknad

#### Framlegg til vedtak:

Kommunestyret tildeler frå løyvinga på kr. 820.000 til Austrheim kommune frå *kommunal kompensasjonsordning for lokale verksemder i særleg utsatte bransjer og kommuner* til følgjande verksemder:

Kilstraumen Brygge AS kr. 700.000.

Straumcamp AS kr. 120.000.

Kommunen vil kontrollere om verksemdene har ubetalte kommunale krav, om det er noko uteståande så vil tilskotet verta motrekna mot dette.

Tilskotet vert betalt ut til den enkelte verksemda når kommunen har den naudsynte informasjonen som skal registrerast på regionalforvaltning.no. Sluttrapportering for tilskot frå denne ordninga må sendast til departementet innan 31.01.2022.

#### Kommunestyret - 099/21 - 16.12.2021

#### KS - behandling:

I denne saka vart Helge Dyrkolbotn (KrF) og Bjørn Inge Håland Dyrkolbotn (Sp) ugilde på grunn av tilknytning til Kilstraumen Brygge.

Ordførar Per Lerøy (Ap) orienterte om at det var fire søknader, to frå reiseliv og to frå industri. Denne

ordninga var retta mot reiseliv, så dei to frå industri såg ein vekk frå. Tildelingsvedtaket skal vera endeleg innan 1. januar 2022, og midlar som ikkje blir delte ut går tilbake til Staten.

Søknadene er vurderte av Per Lerøy, Kari Utkilen og Bjarne Sæbø, medan Asbjørn Toft har skrivne saka.

Reidar Øksnes (Sp) sa at det er trist at ein berre har to reelle søkarar når det er ein god reiselivskommune som Austrheim. Lerøy svara at ein har kontakta fleire aktørar, men desse har ikkje vore registrerte i Austrheim og kunne ikkje søka.

Morten Sognnes (H) at Kilstraumen Brygge utviklar området på en god måte, reknar med at det er brukt av tidlegare tilskot til dette.

Inger Lise Brekke (H) sa at Austrheim bør satsa på reiseliv, men akkurat under pandemien har Austrheim kommune vore heldige og vore lite råka av nedgangen i reiseliv eller for landet.

Per Lerøy (Ap) støtta Sognnes i at Kilstraumen utviklar området på ein god måte, og likeins for Straumcamp.

Morten Sognnes (H) sa at kommunen gjerne kan støtta lag og organisasjonar som jobbar med turstiar. Turstien til Vardetangen dreg til seg mykje folk, som etterpå gjerne stoppar på Kilstraumen for middag. Lerøy svara at ein gjerne kan støtta arbeidet med turstiar, men denne ordninga opna ikkje for det.

Handsaming i kommunestyret:

Samrøystes for kommunedirektøren sitt framlegg til vedtak.

(14 stemmer, Jan Erik Espelid frå Bygdelista var ikkje på plass, og det var to ugilde, Helge Dyrkolbotn (KrF) og Bjørn Inge Håland Dyrkolbotn (Sp), på grunn av tilknyting til Kilstraumen Brygge)

#### **KS - vedtak:**

**Kommunestyret tildeler frå løyvinga på kr. 820.000 til Austrheim kommune frå *kommunal kompensasjonsordning for lokale verksemdar i særleg utsatte bransjer og kommuner* til følgjande verksemdar:**

**Kilstraumen Brygge AS kr. 700.000.**

**Straumcamp AS kr. 120.000.**

**Kommunen vil kontrollere om verksemdene har ubetalte kommunale krav, om det er noko uteståande så vil tilskotet verta motrekna mot dette.**

**Tilskotet vert betalt ut til den enkelte verksemda når kommunen har den naudsynte informasjonen som skal registrerast på regionalforvaltning.no. Sluttrapportering for tilskot frå denne ordninga må sendast til departementet innan 31.01.2022.**

## Saksopplysninger:

Kommunal- og moderniseringsdepartementet (KMD) tildelte 11. oktober 2021 Austrheim kommune 820.000 kroner i tilskotsmidlar. over kap. 553, post 68 (ny) *kommunal kompensasjonsordning for lokale virksomheter*. Målet med tilskotsordninga er å setja kommunane raskt i stand til å avhjelpa situasjonen for lokale verksemder i samband med pandemien. Tildelinga til den enkelte kommune er gjort med bakgrunn i tal tilsette innen overnatting, reisearrangører, turbiltransport og delvis også i servering og drosjenæringa.

Tilskotet skal bidra til å oppretthalde arbeidsplasser og viktig kompetanse i verksemder som er avhengige av turisme frå land både utanfor og innanfor EØS, og difor framleis er ramma av pandemien. Kommunen har stor fridom til å fordela desse midlane, innanfor eige skjønn, jamfør brevet frå departementet. Formannskapet vedtok i møtet 18. mars 2021 følgjande:

*Austrheim kommune set i gang arbeid med sakshandsaming av **Tilskot til lokale verksemder i Austrheim kommune**. Midlane skal gå til verksemder som av ulike grunnar har falt utanfor generelle kompensasjonsordningar i samband med pandemien. Formannskapet sett ned ei arbeidsgruppe med følgjande personar til dette arbeidet:*

*Bjarne Ve Sæbø (sekretær for gruppa)  
Per Lerøy, ordførar og næringssjef  
Kari T. Utkilen, fagleiar kultur*

Den same arbeidsgruppa har også vurdert denne siste tildelinga frå KMD.

Bjarne Ve Sæbø er tilsett i Austrheim kommune som prosjektleiar/controller, han har ansvaret for arbeidet med denne tilskotsordninga og er som før sekretær for denne arbeidsgruppa.

Arbeidsgruppa har fått Asbjørn Nagell Toft til å verta sakshandsamar for saka til kommunestyret.

Austrheim kommune har annonsert tilskotet på facebook/heimesida og i lokalavisa Strilen, og elles opplyst om ordninga til dei som har tatt kontakt. Innan søknadsfristen torsdag 12. desember 2021 var det levert 4 søknader på regionalforvalting.no. Arbeidsgruppa hadde drøftingsmøte den 13. desember og vurderte då søknadane.

Som grunnlag har arbeidsgruppa vurdert at to av desse søkarane er kvalifisert til å få tildelt midlar av denne tilskotsordninga. Desse to verksemdene oppfylte kriteria sett til dette tilskotet.

Arbeidsgruppa har vidare vurdert storleiken på tildelinga etter kor mange som er engasjerte i dei enkelte verksemdene/ organisasjonane, og kor stort tap dei har hatt på grunn av Korona-situasjonen.

Tilskotsmidlane var på kr. 820.000. Arbeidsgruppa innstiller på å gjeva desse to verksemdene støtte:

**1.Kilstraumen Brygge AS søkte om midlar til eit prosjekt om å få fleire turistar frå Russland, Asia og Amerika – Salmon Safari. Dei har adresse Austrheimsvegen 597. Organisasjonsnr. 915 458 122. Det er 13 tilsette i firmaet.**

Kilstraumen Brygge har sidan oppstart hatt fokus på nye marknader. I samarbeid med lokale aktørar som Skjærgårdsfisk Visningsenter og Visit Bergen fekk me opp ein forretningside, Salmon Safari, som retta seg mot turoperatørar som mellom anna hadde Russland, Asia og Amerika som sin marknad. I tillegg fekk me samarbeid med Norwegian Cruiseservices som hadde behov for nye aktivitetar og

opplevingar utafor Bergen sentrum. Me kunne tilby guida kajakturar og havfiske samt lokalmat servert i Naustet.

-Kilstraumen Brygge AS søkte om kr. 600.000, men dei har oppgjeve totalkostnaden til kr. 800.000.

**Arbeidsgruppa innstiller på at tilskotet til Kilstraumen Brygge AS vert på kr. 700.000.**

**2.Straumcamp AS søkte om midlar til eit servicebygg med straumskap til bubilar. Dei har adresse Njøtevegen 292. Organisasjonsnr. 971223162. Det er ein tilsett i firmaet.**

Dei skriv i søknad at vidare mål er å vidareutvikle campingområdet for faststående vogner og camping slik godkjenningen av området er på.

Dei søker no om midlar til å gjera ferdig servicebygg, og straumskap til kvar enkelt bubil.

-Straumcamp AS oppgav ikkje søknadsum, men dei skriv i søknad at bare strømskapene vil ha ein kostnad på kr. 230.000.

**Arbeidsgruppa innstiller på at tilskotet vert på kr. 120.000.**

Dei to andre søkerane var verksemdene **West Piping AS** (Litlås) og **HL mek AS** (Fonnes).

Eit lite utdrag om kompensasjonsordninga er med nedanfor for å forklara kvifor arbeidsgruppa ikkje kunne gjeva desse to verksemdene tilskot:

*-Tildelingen til den enkelte kommune er gjort med bakgrunn i antall ansatte innen overnatting, reisearrangører, turbiltransport og delvis også i servering og drosjenæringen.*

*Tilskuddet skal bidra til å opprettholde arbeidsplasser og viktig kompetanse i bedrifter som er avhengige av turisme fra land både utenfor og innenfor EØS, og derfor fremdeles rammet av pandemien.*

Arbeidsgruppa har vurdert det slik at desse to søknadane ikkje er innfor regelverket og intensjonen for denne tilskotsordninga. Dette er verksemdar som driv med handel, vedlikehald og levering av diverse tenester og produkt retta mot m.a. oljegass industrien.

#### **Vurdering:**

Kommunedirektøren er glad for at Kommunal- og moderniseringsdepartementet tildelte Austrheim kommune 820.000 kroner i tilskotsmidlar. Målet med tilskotsordninga har vore å setja kommunane raskt i stand til å avhjelpa situasjonen for lokale verksemdar i samband med pandemien.

Kommunedirektøren vil understreke at kommunen sin støtte til verksemdar må vera i samsvar med regelverket for offentleg støtte.

Departementet har laga eit søknadsskjema som sikrar at løyvingane skjer i samsvar til Covid- 19 rammeverket for tildeling av offentleg støtte. Søknadsskjemaet for ordninga har vore tilgjengeleg i Regionalforvaltning.no.

Kommunedirektøren vil opplysa om at støtta til verksemdar vert lagt fortløpande inn i regionalforvaltning.no. Sluttrapportering for tilskot frå denne tilskotsrunden skal sendast til departementet innan 31.01.2022 gjennom regionalforvaltning.no. Bjarne Ve Sæbø som er tilsett i Austrheim kommune som prosjektleiar/controller har ansvaret for dette arbeidsområdet.

I sluttrapportene til departementet skal det leggjast ved ein revisorattestasjon på at kommunen har nytta midlane i tråd med innhaldet i tilskotsbrevet datert den 11.10.2021.

Kommunedirektøren synes arbeidsgruppa har arbeidd godt med marknadsføring av denne ordninga og vurdert dei fire søknadane på ein forsvarleg måte. Kommunedirektøren rår til at kommunestyret vedtek ei løyving i samsvar med arbeidsgruppa i si innstilling som vist i forslag til vedtak.

### **Konklusjon:**

Kommunestyret tildeler frå løyvinga på kr. 820.000 til Austrheim kommune frå kommunal kompensasjonsordning for lokale verksemdar i særleg utsatte bransjer og kommuner til følgjande verksemdar:

Kilstraumen Brygge AS kr. 700.000.

Straumcamp AS kr. 120.000.

